

Föstudaginn 22. mars 1991.

Nr. 320/1989. **Guðmundur Axelsson**

gegn

Landsbanka Íslands.

Ómerking. Frávisun frá héraðsdómi.

Dómur Hæstaréttar.

Mál þetta dæma hæstaréttardómararnir Guðrún Erlendsdóttir, Guðmundur Jónsson og Hjörtur Torfason.

Áfrýjandi skaut máli þessu til Hæstaréttar með stefnu 23. ágúst 1989 að fengnu áfrýjunarleyfi 17. sama mánaðar. Áfrýjað er dómi bæjarþings Reykjavíkur frá 3. mars 1989.

Áfrýjandi krefst þess aðallega, að hinn áfrýjaði dómur verði ómerktur og málinu vísað frá héraðsdómi, en til vara, að áfrýjandi verði sýknaður af öllum kröfum stefnda. Þá krefst hann málskostnaðar úr hendi stefnda fyrir Hæstarétti.

Stefndi hefur fallist á aðalkröfu áfrýjanda um, að hinn áfrýjaði dómur verði ómerktur og málinu verði vísað frá héraðsdómi. Jafnframt gerir stefndi þá kröfu, að málskostnaður í Hæstarétti verði felldur niður.

Samkvæmt þessu ber að ómerkja hinn áfrýjaða dóm og vísa málinu frá héraðsdómi. Rétt þykir, að stefndi greiði áfrýjanda 55.000 krónur í málskostnað fyrir Hæstarétti.

D ó m s o r ð:

Hinn áfrýjaði dómur er ómerktur og málinu vísað frá héraðsdómi.

Stefndi, Landsbanki Íslands, greiði áfrýjanda, Guðmundi Axelssyni, 55.000 krónur í málskostnað fyrir Hæstarétti að viðlagðri aðför að lögum.

Dómur bæjarþings Reykjavíkur 3. mars 1989.

Mál þetta, sem dómtekið var þann 15. nóvember 1988, er höfðað fyrir bæjarþinginu með áskorunarstefnu, birtri þann 6. maí 1988, af Landsbanka Íslands gegn Guðmundi Axelssyni, nnr. 3045-2348, Skólavörðustíg 6 B, fyr-

ir hönd Klausturhóla, nnr. 5634-8301, og persónulega til greiðslu skuldar, að fjárhæð kr. 250.000, með 5% vanskilavöxtum á mánuði frá 15. júní 1983 til 21. október 1983, með 4,75% dráttarvöxtum p.m. frá þeim degi til 21. nóvember 1983, með 4% dráttarvöxtum p.m. frá þeim degi til 21. desember 1983, en með 3,25% dráttarvöxtum p.m. frá þeim degi til 21. janúar 1984, með 2,5% dráttarvöxtum p.m. frá þeim degi til 1. september 1984, 2,75% dráttarvöxtum p.m. frá þeim degi til 1. febrúar 1985, með 3,75% dráttarvöxtum p.m. frá þeim degi til 1. mars 1985, með 4% dráttarvöxtum p.m. frá þeim degi til 1. júní 1985, með 3,5% dráttarvöxtum p.m. frá þeim degi til 1. september 1985, með 3,75% dráttarvöxtum p.m. frá þeim degi til 1. mars 1986, með 2,75% dráttarvöxtum p.m. frá þeim degi til 1. apríl 1986, með 2,25% dráttarvöxtum p.m. frá þeim degi til 1. mars 1987, með 2,5% dráttarvöxtum p.m. frá þeim degi til 6. maí 1987, með 30% ársvöxtum frá þeim degi til 1. júní 1987, með 33,6% ársvöxtum frá þeim degi til 1. júlí 1987, með 36% ársvöxtum frá þeim degi til 1. ágúst 1987, með 40,8% ársvöxtum frá þeim degi til 1. september 1987, með 42% ársvöxtum frá þeim degi til 1. október 1987, með 43,2% ársvöxtum frá þeim degi til 1. nóvember 1987, með 45,6% ársvöxtum frá þeim degi til 1. desember 1987, með 49,2% ársvöxtum frá þeim degi til 1. janúar 1988, með 51,6% ársvöxtum frá þeim degi til 1. mars 1988, með 45,6% ársvöxtum frá þeim degi til greiðsludags og málskostnaðar að skaðlausu. Vaxta-vextir eru reiknaðir á 12 mánaða fresti, í fyrsta skipti 15. júlí 1984, 15. júlí 1985, 15. júlí 1986 og 15. júlí 1987.

Mál þetta var upphaflega þingfest á reglulegu bæjarþingi þann 10. maí 1988 og það dómtekið þann sama dag. Málið var endurupptekið á reglulegu bæjarþingi þann 15. nóvember 1988, og skilaði stefnandi þá sókn, og var málið dómtekið á ný þann sama dag.

Stefnandi kveður málavexti þá, að þann 21. júní 1983 hafi Ulrich Falkner (8974-6833) gefið út víxil, að upphæð kr. 250.000, til greiðslu 15. júlí 1983. Samþykkjandi á víxlinum sé Guðmundur Axelsson, 3045-2348, Skólavörðustíg 6 B, Reykjavík, f.h. Klausturhóla, 5634-8301, og persónulega stefndi í máli þessu.

Stefnandi kveður frumrit víxilsins hafa komist úr vörslu bankans, og hafi því verið nauðsynlegt að fá ógildingardóm. Sá dómur hafi verið gefinn út 7. október 1987 að undangenginni opinberri stefnu í 78. H. (sic) Lögbirtinga-blaðsins 26. júní 1987.

Stefnandi kveðst reisa kröfur sínar á því, að til kröfuréttarsambands hafi stofnast milli stefnanda og stefnda. Um víxilskuldbindingu sé að ræða. Greiðsluskylda stefnda sé ótvíræð, þar sem hann hafi selt víxilinn og fengið andvirði greitt. Það sé því ljóst, ef krafa stefnanda komist ekki að, að þá muni stefndi vinna fé úr hendi stefnanda. Byggt sé því á 74. gr. vixillaganna

nr. 93/1933, þar sem víxilskuldari, stefndi í þessu máli, muni hagnast á kostnað stefnanda, falli fjárheimtan niður.

Stefnandi kveður kröfu um málskostnað styðjast við 177. gr. laga nr. 85/1936.

Stefndi hefur hvorki sótt né látið sækja þing, og er honum þó löglega stefnt. Verður þá eftir 118. gr. laga nr. 85/1936 að dæma málið eftir framlögðum skjölum og skilríkjum, og þar sem þau eru í samræmi við dómkröfur stefnanda, verða kröfur hans teknar til greina að öðru leyti en því, að vextir reiknast eins og í dómsorði greinir.

Málskostnaður ákveðst kr. 36.058, þar með talinn söluskattur.

Dóminn kvað upp Arnfríður Einarsdóttir, ftr. yfirborgardómara.

Uppkvaðning dóms þessa hefur dregist vegna embættisanna dómarsans.

D ó m s o r ð:

Stefndi, Guðmundur Axelsson persónulega og fyrir hönd Klausturhóla, greiði stefnanda, Landsbanka Íslands, kr. 250.000 með 5% van-skilavöxtum á mánuði frá 15. júní 1983 til 21. október 1983, með 4,75% dráttarvöxtum p.m. frá þeim degi til 21. nóvember 1983, með 4% dráttarvöxtum p.m. frá þeim degi til 21. desember 1983, en með 3,25% dráttarvöxtum p.m. frá þeim degi til 21. janúar 1984, með 2,5% dráttarvöxtum p.m. frá þeim degi til 1. september 1984, 2,75% dráttarvöxtum p.m. frá þeim degi til 1. febrúar 1985, með 3,75% p.m. frá þeim degi til 1. mars 1985, með 4% dráttarvöxtum p.m. frá þeim degi til 1. júní 1985, með 3,5% dráttarvöxtum p.m. frá þeim degi til 1. september 1985, með 3,75% dráttarvöxtum p.m. frá þeim degi til 1. mars 1986, með 2,75% dráttarvöxtum p.m. frá þeim degi til 1. apríl 1986, með 2,25% dráttarvöxtum p.m. frá þeim degi til 1. mars 1987, með 2,5% dráttarvöxtum p.m. frá þeim degi til 6. maí 1987, með 30% ársvöxtum frá þeim degi til 1. júní 1987, með 33,6% ársvöxtum frá þeim degi til 1. júlí 1987, með 36% ársvöxtum frá þeim degi til 1. ágúst 1987, með 40,8% ársvöxtum frá þeim degi til 1. september 1987, með 42% ársvöxtum frá þeim degi til 1. október 1987, með 43,2% ársvöxtum frá þeim degi til 1. nóvember 1987, með 45,6% ársvöxtum frá þeim degi til 1. desember 1987, með 49,2% ársvöxtum frá þeim degi til 1. janúar 1988, með 51,6% ársvöxtum frá þeim degi til 1. mars 1988, með 45,6% ársvöxtum frá þeim degi til 1. maí 1988, með 44,4% ársvöxtum frá þeim degi til 1. október 1988, með 33,6% ársvöxtum frá þeim degi til 1. nóvember 1988, með 27,6% ársvöxtum frá þeim degi til 1. desember 1988, með 24% ársvöxtum frá þeim degi til 1. janúar 1989, með 21,6% ársvöxtum frá þeim degi

til greiðsludags og kr. 36.058, þar með talinn söluskattur, í málskostnað, allt innan 15 daga frá birtingu dóms þessa að viðlagðri aðför að lögum.
